

Obulwadde bw'olukonvuba kye ki?



Obulwadde bw'olukonvuba bwe bulwadde obuba bujja okukosa okumala ebbanga eddene era ebiseera ebisinga obeera nabwo okutuusa obulamu bwo bwonna.

Endwadde nnyingi ez'olukonvuba zisobola okuziyizibwa nga oyita mu kukyusa engeri gy'olyamu, okwongera okukola dduyiro, okulekayo okufuuweeta sigala wamu n'okumira obulungi eddagala omusawo wo ly'akulagidde ery'obulwadde buno.

Ebyokulabirako by'endwadde ez'olukonvuba kuliko:

- Sukaali
- HIV
- Entunnunsi oba puleesa

Ebikuteeka mu katyabaga k'okukwatibwa endwadde:

- Bw'oba n'omugejjo ogususse oba
- Bw'oba tokozesa mubiri gwo oba
- Nga olya bubu oba
- Nga ofuuweeta sigala oba
- Onywa omwenge ekisukkiridde oba
- Bw'oba weegatta mu bikolwa eby'omukwano nga tokoze-sezza nkola yonna ekuziyiza okukwatibwa akawuka

INTE-AFRICA

Abanoonyereza okuva mu Tanzania, Uganda, n'e Bulaaya bali mu kunoonyereza ku ngeri empya ey'okujjanjabamu obulwadde bw'olukonvuba bwonna awamu mu kifo kimu. Abanoonyereza baagala kumanya oba nga kino kisingako ku nkola eriwo mu kiseera kino ey'okujjanjaba obulwadde bw'olukonvuba nga buli bulwadde bukolekako ku bw'alwonga bwawuddwa.

Kiliniika nnyingi az'enjawulo mu Tanzania ne Uganda zeetabye mu kunoonyereza kuno era zisabye abalwadde abalina obulwadde bwa sukaali, HIV, oba obw'entunnunsi/sukaali okwetaba mu kunoonyereza.

Aba kiliniika ezeetabyemu beetegefu okwanukula ekibuuzo kyonna ky'oyinza okuba nakyo.

Bw'oba oyagala okumanya ebikulu mu ggwanga ebikwata ku bulwadde bwa sukaali, entunnunsi/puleesa genda ku mukutu guno www.inteafrica.org/resources/



OBUJJANJABI BW'ENDWADDE EZ'OLUKONVUBA



Obulwadde bwa Sukaali kye ki?

Obulwadde bwa Sukaali era bumanyiddwa nga okuba ne sukaali omungi mu mubiri. Kibaawo singa omubiri gulemererwa okufuga obungi bwa sukaali mu mubiri. Kino kisobola Okuvirako obulwadde obw'amaanyi wamu n'okufa amangu. Abantu bangi balina obulwadde bwa sukaali nga tebakimanyi kubanga obubonero buyinza obuteeraga oba olw'okubanga tebutera kulisinkaniibwa buterevu ku bulwadde. Obubonero bw'okuba ne sukaali omungi mu mubiri bwe bubaawo buyinza :kuba nga:

- Okuwulira enkalamata
- Okuwulira obukoowu/kamunguluze
- Okufukira kumu kumu

Obuzibu obuleetebwa obulwadde bwa sukaali

Singa obulwadde bwa sukaali tebutanjabibwa bulungi, buvaamu obuzibu obw'amaanyi. Obulwadde bwa sukaali bukosa omutima, emisuwu, amaaso, ensigo, n'obusimu. Kino kiyinza okuviirako:

- Okwesiba kw'omutima
- Okufa obwongo oba situlooko
- Ensigo okulemererwa okukola
- Obuzibu mu kulaba kw'amaaso omuli n'okuzibira ddala
- Ebigere okuvunda ekiyinza n'okuviirako okutemwako
- Obutazaala

Bw'oba tolima bulwadde bwa sukaali, osobola okubuziyiza nga oyita mu ndya ennungi wamu n'okukyusa engeri gye weeyisamu:

- Okubeera nga omubiri ogukozesa
- Okusala ku mubiri bw'oba n'omugegejo gususse
- Lya emmere egasa omubiri

Bw'oba n'obulwadde bwa sukaali, oyinza okusabibwa okumira eddagala. Olina okuba nga okola dduyiro okumala eddakaiika waakiri 30 buli lunaku n'okusala ku kubuzito bw'oba osusse omugejejo.

Era olina n'okwegendera by'olya. Kiba kirungi okwongerera okulya ennyo enva endiirwa n'ebibala ate okendeze ku biribwa eby'amasavu amangi oba ebirimu sukaali omungi (okugeza ebisiike, keeki, eby'okunywa ebirimu ggaasi omungi).

Nemitendera egyo, oja kuba osobola bulungi okufuga obungi bwa sukaali mu mubiri gwo okendeze ne ku mikisa gy'okufuna obuzibu. Noolwekyo, endya, n'ennyisa y'obulamu bwo, bikola kinene nnyo okuziyiza obulwadde bwa sukaali ate n'okukuuma ekigero ekituufu eky'obungi bwa sukaali mu musaayi gwo bw'oba nga obulwadde wamala dda okubufuna.

Entunnunsi oba Puleesa kye ki?

Obulwadde bw'entunnunsi era bwe bumanyiddwa nga Puleesa. Emisuwu egitambuza omusaayi bwe gikakanyala oba bwe gizibikiramumu, oba bwe gikosebwa olw'ekintu ekirala kyonna, oba weetaaga entunnunsi ez'amaanyi ezisingawo okusobola okutambuza omusaayi mu mubiri. Olwo omutima n'ebitundu ebirala eby'omubiri biba birina okukola ennyo olw'entunnunsi zino okuba eza waggulu ennyo. Kino kiyinza okuvaako endwadde endala ez'amaanyi ennyo wamu n'okufa amangu.

Puleesa bumanyiddwa nga obulwadde “obukutta nga tomanyi”. Abantu abasinga obungi abalina obulwadde bwa puleesa tebamanyi mbeera gye balimu kubanga tebawulira muli nti entunnunsi zeeyongedde. Bangi bakizuula bamaze kufuna buzibu.

Obuzibu obuleetebwa obulwadde bw'entunnunsi oba puleesa

Singa obulwadde bwo obw'entunnunsi buba tebutuuliddwa n'okukolwako obulungi, embeera esobola okubiggya era esobola okuvaamu obuzibu obulala obw'amaanyi omuli:

- Okwesiba kw'omutima oba omutima okulemererwa okukola
- Okufa obwongo oba situlooko
- Obulwadde bw'ensigo

Enziyiza n'enkwata y'obulwadde bw'entunnunsi oba puleesa

Obulwadde bw'entunnunsi buyinza okuziyizibwa nga oyita mu kusala ku buzitobw'oba osusse omugejejo, okukola dduyiro buli lunaku (waakiri eddakaiika 30 olunaku), n'okukendeze ku bungi bw'omunyo gw'olya. Okulekayo okufuweeta sigala wamu n'okukendeze ku mwenge gw'onywa nakyo kiyambako okuziyiza ku bulwadde bw'entunnunsi.

Bw'oba nga obulwadde bw'entunnunsi bw'akukwata dda, awo kiba kikulu nnyookakakanya entunnunsi zo nga oyita mu kusala ku buzito bw'oba osusse omugejejo, okukola dduyiro buli lunaku wamu n'okukendeze ku munyo gw'olya. Bw'oba olina eddagala ly'entunnunsi ly'olagiddwa okumira, kikulu nnyo okulimira buli lunaku ate mu budde.

akawuka akaleeta mukenenyakye ki?

HIV kawuka akalumba obutaffaali bw'omubiri obulwanyisa obulwadde. Kasiigibwa singa amazzi g'omu mubiri ag'omuntu alina akawuka ka HIV geegatta n'omuntu atakalina okusingira ddala nga kayita mu kwegatta mu bikolwa eby'omukwano nga tokozeseza nkola yonna eziyiza kukwatibwa kawuka oba kayita mu kukoza empiso y'eddagala y'emu n'omuntu alina akawuka.

Bw'okwatibwa akawuka ka HIV, oyinza obutawulira bulwadde oba okufuna obubonero bwonna okumala emyaka ewigera kubanga mu kusooka omubiri guba gukyasobola okufufuggaza akawuka. Kikulu nnyo okwekebeza akawuka ka HIV amangu ddala nga waakafunamu okwekengera nti weetadde mu katyabaga k'okukwatibwa akawuka nga oyita mu bikolwa ebikuteeka mu buzibu, nga ogenda mu ddwaaliro.

Bw'oba okebeddwa ne kizuulwa nti olina HIV, olina okutandika obujanjabi bw'akawuka ka HIV amangu ddala nga bwe kisobola. Obujanjabi obukulu obwa HIV z'empeke ezikendeze amaanyi g'akawuka [Antiretroviral therapy (ART)] era singa zimiribwa bulungi buli lunaku, kijja kulemesa akawuka ka HIV okweyongerera okuzala obuwuka obulala mu mubiri gwo. Mu mbeera eno, empeke za ART zijja kukukuuma obutalwala era zijja kukendeze ne ku mikisa gyo egy'okusiiiga akawuka ka HIV eri abantu abalala.

Wabula, singa kasigala tekajjanjabiddwa, akawuka ka HIV kaja kuvirako okufuna obulwadde obulala era ekivaamu bwe bulwadde obumanyiddwa nga Siriimu [AIDS (acquired immunodeficiency syndrome)] wamu n'okufa amangu ddala nga obulwadde bwa Siriimu buzuuliddwa. N'ekirala, kibeera kyangu nnyo ggwe okusiiga HIV eri abantu abalala nga oyita mu kwegatta mu bikolwa eby'omukwano, okukozesa empiso y'emu n'abantu abalala n'amakubo amalala singa tofuna bujanjabi.

Akawuka ka HIV tekalina ddagala likawonya.

Bw'oba olina akawuka ka HIV, kiba kikulu nnyo okusigala nga wekenenya n'endwadde endala nga obulwadde bw'entunnunsi n'obwa sukaali.

